


KOMMUNIMUT PILERSAARUMMUT TAPILIUSSAQ

3A8-3

Nuuk, Iiminaq, Inissiaqarfik

Aprili 2010



KOMMUNEQARFIK **SERMERSOOQ**
Anlægs- og Miljøforvaltningen

Imarisai

Imarisai	2
Ilitersuut	3
NASSUIAAT	4
Tunuliaqut	4
Pilersaaruteqarfik	4
Pilersaarutip siunertaa imarisaalu	5
Pilersaarummut allamut tunngatillugu inissisimanera	7
Kommunimut pilersaarummut tapiliussap inatsisitigut inaarutaasumik sunniutai	8
Oqallisigineqarnera akuersissutigineqarneralu	8
AALAJANGERSAKKAT PINGAARNERIT	10
§ 1 Kommunimut pilersaarummut tapiliussami siunertat	10
§ 2 Kommunimut pilersaarummut tapiliussami immikkoortut ilaat agguataarneqarneralu	10
§ 3 Immikkoortup ilaata atorineqarnera	10
§ 4 Sanaartukkat	10
§ 5 Inissaq sinneruttoq	11
§ 6 Immikkoortup ilaata aqqusinertigut angallaffigineqarnera	11
§ 7 Avatangiisinut tunngatillugu piumasaqaatit nunaminertallu piumasaqaatitaqarfigineqartut... ..	11
§ 8 Eriagisariaqartut ilisarnaataat	11
AALAJANGERSAKKAT SUKUMIISUT	12
§ 9 Immikkoortup ilaata atorineqarnera	12
§ 10 Sanaartukkat annertussusiat inissinneqarnerallu	12
§ 11 Sanaartukkat silaata isikkui	13
§ 12 Aqquserngit, aqqusineqqat bilinullu inissiisarfiit	13
§ 13 Nunaminertat sanaartorfigineqanngitsut	14
§ 14 Teknikkikkut atortut	14
§ 15 Avatangiisinut tunngasut	15
§ 16 Piginnittut peqatigiiffiat	15
§ 17 Atuilernissanut piumasaqaatit	15
§ 18 Illoqarfiup ilaanut pilersaarummik aamma kommunimut pilersaarummut tapiliussamik atorunnaarsitsinerit	15
AKUERSISSUTEQARNEQ	16

ILANNGUSSAT

Ilanngussaq 1:	Immikkoortup ilaa immikkuualuttullu
Ilanngussaq 2:	Sanaartorfiit, aqqusiniusinnaasut qaartitikkallu portussusissaat
Ilanngussaq 3:	Titartagaq
Ilanngussaq 4:	Qalipaatinut pilersaarut

Ilitsersuut

Kommunimut pilersaarummut tapiliussami nunaminertat, sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq atorineqassanersut, inissinneqassanersut ilusilersorneqassanersullu aalajangersarneqartarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussami siunertat anguniakkallu, sumiiffimmi eqqaanilu pissutsit pioreersut kiisalu kommunimut pilersaarummut tapiliussap pilersaarutitut allanut tunngatillugu qanoq inissisimaneq naatsumik allaaserineqartarput.

Kommunimut pilersaarummut tapiliussami aalajangersakkat aalajangersakkanut pingaarnernut sukumiisunullu agguataagaapput. Aalajangersakkat tamarmik pituttuisuupput, taamaattorli sukumiisumik aalajangersakkanit immikkut ittumik akuersissuteqartoqarsinnaasarpoq.

Nunaminertanik atuineq pilersaarusiorterlu pillugit Inatsisartut peqqussutaat nr. 11, 15. decembari 2008-meersoq naapertorlugu kommunalbestyrelse kommunimut pilersaarummut tapiliussaliortussaataavoq:

- *Kommunimut pilersaarutip piviusunnigortinneqarnissaanut qulakkeerinninnissaaq pisariaqartinneqaleraangat.*
- *Sanaartukkat atortulersuutillu annertunerusut imaluunniit nunaminertanik tunniussuinerit aallartinneqannginnerini.*

Kommunimut pilersaarummut tapiliussaliortussaataanermi pilersaarusiortermi annertunerusumik ataqatigiissaarisooqarnissaa aammalu innuttaasut tamatumani peqataatinneqarnissaasa anguniarneqarnissaa siunertaavoq.

Taamaattumik kommunimut pilersaarummut tapiliussaq sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat pilersaarut inaarutaasumik akuersissutigineqartinnagu kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai.

Kommunimut pilersaarummut tapiliussami inatsisitigut atuuffiit kommunimut pilersaarummut tapiliussami sukumiinerusumik allaaserineqarput

NASSUIAAT

Kommunalbestyrelse ulloq 27. aprili 2010-mi ataatsimiikkami Kommunimut pilersaarummut tapiliussaq 3A8-3 Nuuk, Iiminaq, Inissiaqarfik, inaarutaasumik akuersissutigivaa.

Tunuliaqut

Kommunalbestyrelsip inissianut nutaanut imminnut qanittunut pukkitsunullu illoqarfimmi sanaartorfissat nutaat pissarsiarineqarnissaat kissaatigaa.

Immikkoortup ilaa 3A8 inissiat qulit missaanni sinneruttunik inissaqarpoq, immikkoortullu ilaani inissaqassutsip taassuma atorluarneqarnissaa qulakkeerneqassaaq. Taamaaliussagaanni tunngaviusumik pilersaarut iluarsaaneqartariaqarpoq taamaattumillu kommunimut pilersaarummut tapiliussamik, 3A8-3, matuminnga sanasoqarneranik kinguneqarpoq.

Pilersaaruteqarfik

Iiminaq nunaminertamut Kangillinnguit kangia'tungaaniittumut Eqalugalinnguillu Tasiata Qulliup – Annersuaq – avannaa'tungaanut ilaatinneqarpoq.


Immikkoortup ilaa 7,8 ha-it missaanni anner-tussuseqarpoq sanaartukkallu tassaapput ilaqutariinnut ataatsinut illut illullu uilukutsukkuutaat.

Kommunimut pilersaarutip ilusiani pingaarnermi sumiiffik inissianut siunertaqartunik, ammasunik/pukkitsunik aamma imminnut qanittunik/pukitsunik inissialiorfissatut tunniunneqarpoq.

Sanaartukkat

Immikkoortup ilaani sanaartugaareersut tassaapput ilaqutariinnut ataatsinut illut illullu uilukutsukkuutaat (titartagaq 2 takuuk).

Immikkoortup ilaa sumiiffimmi qaqqasunnap qitiusumiittup killingani sanaartorfittut oqartussaaffigineqarpoq, taamaalilluni ilaqutariinnut ataatsinut illut immikkoortup ilaata



Titartagaq 1: Immikkoortup ilaata killeqarfia



Titartagaq 2: Sanaartugaareersut

killeqarfiata killinganiillutik imminnullu ungasillutik, taamaalilluni illut akornisigut titsisutut illut uilukutsukkuutaat qaqqasunnap qaavaniipput.

Immikkoortup ilaata avatangii-sai

Iiminaq qatsissumiippoq aammalu Nuup Kangerluanut, Akianut Sermitsiamullu isikki-veqarluni. Iiminaq kimmuat Attartup Qoorua-nut avannamullu kangerluup tungaanut sissamut, kangimut iliveqarfimmut sisorartartullu aqqutaannut killeqarfeqarpoq. Kujammut Ii-minaq Eqalugalinnguit Tasiata Qulliup (Annersuaq) tungaanut qaqqasunnanut ersarissunut killeqarpoq.


Nunap isikkua nunallu ilusaa

Immikkoortup ilaani qatsinnerpaat tassaapput sumiiffiup kujataa tungaani qaqqasunnat marluk (titartagaq 3 takuuk).

Qaqqasunnat illoqarfiup ilaanik avannamut kujammullu avissaartitsisuupput, sumiiffimilu qaqqasunnat avannaa tungaa Nuup Kangerluata tungaanut sammivoq qaqqasunnallu kujataa tungaa illoqarfiup ilaanut Quassusuup Tungaanut aamma Eqalugalinnguit Tasiata tunnganut sammilluni.

Pilersaarutip siunertaa imari-saalu

Kommunimut pilersaarummut tapiliussami, 3A8-3, Iiminaq, sanaartukkat ilusiisa taamaat-siinnarnissaat, ersarissarnissaat ataqatigiis-suunissaallu siunertarineqarpoq. Tamatuma saniatigut amerlanerusunik inissialiornissamut aammalu illoqarfiup ilaani immikkoortup ilaani nunap ilusii taassumalu qitiusumiinnera tapiliussami eqqarsaatigineqarpoq. Kommunimut pilersaarummut tapiliussami immikkuualuttumi D-mi ilaqutariinnut arlalinnut illut qaliallit immikkuullarissutut isikkullit sananeqarnissaannut periarfissiisoqarpoq. Immikkuualuttumi D-mi nutaanik sanaartukkannut angissutsit sanaartorfiillu inissiffissaat



Titartagaq 3: Immikkoortup ilaani qaqqasunnat



Titartagaq 4: Sanaartukkat sananeqaataat

isikkiviit, sumiiffimmi aqqusinikkut angallafiit illullu akornanni pitsaasunik avatangiiseqarnissat pitsanngorsarlugit aalajangersarneqarput.

Ilanngussami 2-mi sanaartorfiit angissusiat inissisimaffiallu, aqqusinikkut angallannermi pissutsit immikkuualuttunullu sisamanut agguataarineq takutinneqarput. Ilanngussami 3-mi inissiaqarfik kommunimut pilersaarummut tapiliussami aalajangersakkat siunertallu malillugit qanoq ilusilersorneqarsinnaanersoq takutinneqarpoq.

Atuineq

Kommunimut pilersaarummut tapiliussami, 3A8-3, sumiiffik inissianut siunertaqartunut tunniunneqassaaq.

Aalajangersaaffigineqassaaq agguataarneqarlunilu.


Immikkoortup ilaa nunap isikkuanik ilusaanillu aammalu ilanngussami 1-mi takutinneqartutut immikkuualuttuni sisamaasuni sanaartugaareersunik tunuliaquserlugu agguataarneqassaaq.

Immikkuualuttoq A sanaartorfiunngilaq sumiiffinnullu allanut avatangiisaalluni.

Immikkuualuttoq B Nuup Kangerluanut sammi voq aamma ilaqutariinnut ataatsinut marlunnullu illut tassaniipput. Illut assigiinngitsuunerisa sanaartorfiit imminnut ungasissusaat taamaaginnartut aalajangersimasullu iluaqutigalugit sumiiffik ataatsimoortutut takuneqarsinnaatippaat.

Immikkuualuttoq C immikkuualuttumit B-mit avatangerneqarsimavoq aammalu sumiiffimmi illut uilukutsukkuutaat qitiusut tassaniillutik. Sanaartukkat taakku sumiiffimmi pingaarnersaapput inissianillu ataasiakkaanik assilineqartarnermikkut naleqassuseqarput. Illut uilukutsukkuutaat pingasuinnorlugit avineqarnerisigut illut akorneqarput sumiiffimilu ammassusermik pilersitsisuullutik.

Immikkuualuttumi D-mi qaqqasunnat kujataa tungaanni sumiiffik siunissami sanaartorfiusinnaavoq. Sanaartukkat inissianut ta-



Titartagaq 5: Sanaartorfiusinnaasutut assersuut

manut isikkiviit pitsaanerpaajuniassammata nunami immikkuullarissutut inissinneqassapput (titartagaq 6 takuuk). Immikkuullarissut nunaminertamik ataatsimoorussamik avatangiiseqassapput, nunaminertarlutanna sanaartukkani nutaani najugaqartunut qitiussaaq (titartakkatut pilersaarut 3 takuuk). Sanaartukkat tamarmik assigiimmik ilusilerlugit angissusilerlugillu sananeqassapput sanaartukkalli ataasiakkaat assigiinngitsunik qalipaateqartinneqarnissaannut periarfissaqarpoq.

Aqqusinertigut angallannernut tunngasut

Sumiiffik Kangillinnguani inissiaqarfiit Iiminnaq aqqusaarlugu tassanngaanniillu aqqusineqassaaq.

Immikkuualuttumi D-mi sanaartukkat nutaat matoqqasumik aqqusineqassapput, aqqusineq taanna bilinut inissiisarfimmiit illoqarfiup ilaanut aqqusinermut atassuserneqassaaq.

Immikkoortup ilaani sanaartorfinnik inissineq Kommunimut pilersaarummi 2005-2014-imi innersuunneqartutut aqquserngit malil-

lugit pivoq. Aqquserngit qeqqiniit titarneq uuttortarneqassaaq.

Nutaanik sanaartornerni inissiamut ataatsimut ikinnerpaamik ataatsimik bilinut inissii-sarfiliortoqartassaaq. Ilanngussami 2-mi taku-tinneqartutut bilinut inissiisarfiit inissinne-qassapput.

Nunap ilusaa/nunaminertat

Kommunimut pilersaarummut tapiliussami nunap isikkuanik suliarinninneq sanaar-tornermi aqquserniornermilu aalajangersar-neqarpoq. Qaqqasunnat qaartiterneqartussat ilanngussami 2-mi takutinneqarput.

Sumiiffimmi sukisaarsartarfioreresut, sumiif-fimmi naanerit, tatsit masarsuillu, periarfis-saqartuni, sanaartornernut ilanngunneqassap-put. Nunaminertat sanaartorfigineqanngitsut aasakkut ukiukkullu soorlu pinnguarnernut qaqsarnernullu sukisaarsartarfittut atorne-qarsinnaapput.

Taamaattumik qaartiterinermi, sanaartorfigis-saanerni sanaartornernilu nuna sapinngisaq tamaat mianersuunneqassaaq aammalu issoo-reersoq naasooreersullu sapinngisaq tamaat pigiinnarniarneqassapput imaluunniit sanaar-tornerup naammassineqarnerani inaalinneqaq-qissinnaasunngorlugit suliarineqassapput inis-sinneqarlutilluunniit.

Immikkoortup ilaani pinngortitaq sukisaarsar-tarfiillu sapinngisaq tamaat qulakkeerneqa-rusupput, taamaalilluni eqqortumik atuinissaq ajornarunnaarsinniarlugu sumiiffillu pisaria-qanngitsumik sivisuallaamik naammasineqar-simarpasinngitsutut isikkoqannginniassam-mat.

Illoqarfiup ilaanut pilersaarummut atuuttumut tunngatillugu aalaja-ngersakkani allannguinerit

Illoqarfiup ilaanut pilersaarummut, 3A8-2, Iiminaq, sanilliullugu sanaartorfiit matuma ataaniittut nalimmassarneqarput, Ilanngussaq 2 takuuk:

B-3718 A-mut B-mut sanaartorfiit kujammut 1 meterip missaani nikisinneqarput.

B-3712-mut sanaartorfik kimmut 3 meterit missaanni nikisinneqarpoq.

B-22-mut sanaartorfik kujammut 7 meterit missaanni nikisinneqarpoq.

B-2-mut sanaartorfik avannamut-kimmut 5 meterinik nikisinneqarpoq.

Tamatuma saniatigut sanaartorfiup B-2-p avannamut-kitaani qaqqasunnaq qaartiterne-qarsinnaavoq. Ilanngussami 2-mi takutinne-qartutut qaartitikkap portussusia 40,50-imut aalajangersarneqarpoq.

Sanaartorfiit inissisimaffiisa titartarneqarnerat nutaaq Kommuneqarfik Sermersuumi Sanar-finermut Avatangiisinullu ingerlatsivimmi pissarsiarineqarsinnaapput.

Pilersaarummut allamut tunngatillugu inissisimanagera

Kommunimut pilersaarut 2005-2014

Kommunimut pilersaarummut tapiliussamut, 3A8-3, Iiminaq, siunnersuut Kommunimut pilersaarut 2005-2014 naapertorlugi siunner-suusiarineqarpoq. Immikkoortoq killiliussaq 3A8, Iiminaq, inissialianut siunertaqartunut ammasunut pukkitsunullu (avannaa'tungaa) aamma inissialianut imminnut qanittunut pukkitsunullu (kujataa'tungaa) tunniunneqar-poq.

Siuserinnerusukkut illoqarfiup ilaanut pilersaarutaasimasut

2005-imi septembarimi Illoqarfiup ilaanut pilersaarut, 3A8-2, Iiminaq, akuersissutigineqarpoq. Illoqarfiup ilaanut pilersaarut illo-qarfiup ilaanut pilersaarummi, 3A8-1-imi, im-mikkut ittumik akuersissutigineqartut ilan-ngunneqartussanngorlugit suliarineqarpoq, taamaalilluni sumiiffimmi sanaartukkanut malittarisassat paasiuminarnernulniassamma-ta.

Tamatuma saniatigut illoqarfiup ilaanut pilersaarummi, 3A8-2-mi, Iiminami sanaartugaa-reersut kujataa' tungaanni siunissami imminnut qanittunik pukkitsunillu sanaartorfiusinnaasunut aqqusineqarnissaa eqqarsaatigineqarpoq.

Kommunimut pilersaarummut tapiliussamut, 3A8-3, Iiminaq, siunnersuut nutaaq sumiiffimmut tassunga aalajangersakkanik atuuttunik arlalinnik nalimmassaanertalerlugu tungatinneqarpoq.

Teknikkikkut pilersuutit

Kuuffissuarnut, imermut innaallagissamullu aqutit nunap iluatigoortinneqassapput. Pisutsit immikkut ittut ajornartinngippassuk aqutit qulaaniittut nunaminertat sanaartorfigineqassanngillat qalliusersorneqaratillu. Aqutitik allanngortiterisinnaaneq aqutitik piginnittumut aningaasartuutaassanngilaq aqutinnillu piginnittup innersuussineratigut allannguisoqassalluni. Nunaminertamik piginnitussaatitaasup pilersuinermit tuniniaanissamut sullissinissamullu piumasaqaatit sukkulluunniit malittussaatitaavai.

Kiassaneq

Sumiiffik innaallagissamik aalajangersimasumik kiassarneqassaaq imaluunniit ungasiannit kiassarneqassalluni. Nukissiuutit avatangisnut navianangitsut soorlu seqerngup kiaa, nunap kiaa il.il. atorneqarsinnaapput.

Imeq

Sumiiffik pisortat imeqarfiutaannit imermik pilersorneqassaaq.

Imikoq

Imikoq tamarmi pisortat kuuffissuaataannut kuutsinneqassaaq. Akerlianilli nunap qaaniittoq imeq, tassunga ilanngullugu imeq illut qaliaanniittoq, kuuffissuarmut kuutsinneqassanngilaq kisiannili sumiiffimmi sanaartukkanut allanut, aqqusineqqanut, aqqusinernut nunaminertanullu sanaartorfigineqanngitsunut ajoqutaanngitsumik kuutsinneqassalluni.

Eqqaaveqarnek

Inissiat eqqaanni tamani eqqaavilerfiit atorneqassapput imaluunniit eqqaavimmut containeriusumut inissaq immikkoortinneqassalluni. Eqqaaviit containeriusut immikkut ungalusanut taamaallaat inissinneqassapput. Sumiiffik Kommuneqarfik Sermersuup eqqagassalerineq pillugu malittarisassaataanut sukkulluunniit atuuttunut ilaatinneqarpoq.

Kommunimut pilersaarummut tapiliussap inatsisitigut inaarutaasumik sunniutai

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit. Immikkulli pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq.

Oqallisigineqarnera akuersissutigineqarneralu

Kommunimut pilersaarummut tapiliussassatut siunnersuut 3A8-3 Iiminaq, tamanit oqallisissanngorlugu saqqummiunneqarpoq piffissami **ulloq 28. oktobarimiit ulloq 9. decembari 2009-p** tungaanut. Piffissami tusarniaaviusumi akerliliissutit oqaaseqaatillu 5-it tiguneqarput.

Kommunimut pilersaarummut tapiliussaq Kommunalbestyrelsip **ulloq 27. aprili 2010** ataatsimiinnerani suliarineqarpoq akuerineqarlunilu saqqummiunneqartumut sanilliullugu imaattunik allannguuteqartinneqarluni:

- Immikkoortup ilaani C-mi sanaartukkani avannarlerni illut uilukutsooreersut allineqarnissaannut periarfissiisoqassanngitsoq.

- Aqqusineq nr. 1 atorneqassanngilaq – aqqusineq nr. 2 atorneqassaaq.

Oqaasertaliunneqartut arlallit iluarsineqarput ataatsimut aamma ataasiakkaanut aalajangersakkat eqqornerusunngorlugit inissinneqarlutik.

- Nassuiaammi qupperneq 9-mi Inatsisinik sunniutigigallagai, tassani Nuna tamakkerlugu pilersaarutitut immikkoortorta qarfiup erseqqissaatigaa, nunaminertat, illut atortullu pilersaarutitut nunaminertanullu peqqussummi § 23 naapertorlugu kommunimut pilersaarummut tapiliussap inaarutaasumik imarisaanik *akornusiisinnaasumik* atorneqassanngitsut.

- Aalajangersakkani §§ 1.1, 4, 5, 6, 9.5, 9.8, 9.10, 14.5 aamma 14.7 assitaliussanut 1, 2 aamma 3-mut naleqqiullugit.

Kommunimut pilersaarummut tapiliussap assilineri Nunatta Atuagaateqarfiani, kommunip saaffiginnittarfiani, nittartagaani www.sermersooq.gl, imaluunniit Sanarfinermut Avatangiisinullu ingerlatsivimmut saaffigininnikkut pissarsiarineqarsinaavoq, telefon 34 74 31.

AALAJANGERSAKKAT PINGAARNERIT

Matumuuna pilersaarusiorneq aamma nunaminertanik atuineq pillugu Inatsisartut peqqussutaat nr. 11, 5. decembari 2008-meersoq aamma kommunimi pilersaarusiorneq nunaminertanillu atuineq pillugu nalunaarut nr. 7, 26. februaari 2009-meersoq naapertorlugit kommunalbestyrelsip aalajangersakkat tullinnguuttut makku aalajangersarpai:

Aalajangersakkat aalajangersakkanut pingaarnernut aamma sukumiisunut agguataagaapput.

Allatat innersuussinerillu uingasunik allataapput.

§ 1 Kommunimut pilersaarummut tapiliussami siunertat.

1.1 Kommunimut pilersaarummut tapiliussakkut siunertarineqartut:

- Sumiiffiup inissialiorfigineqarnissaa; ilaqutariinnut ataatsinut illut, ilaqutariinnut marlunnut illut, ilaqutariinnut arlalinnut illut immikkuullarissut sisamat qaliallit tamarmillu pingasunik inissiartallit.
- Immikkualuttup D-ip arfineq-pingasut-12-it missaanni inissialiorfigineqarnissaa qulakkiissallugu.
- Sumiiffimmi sanaartukkat ammasuunissaat/pukkitsuunissaat aamma ammasuunissaat imminnullu qanittuunissaat nunaminertanullu avatangiiserisanut sanaartorfigineqanngitsunut naleqqussarneqarnissaa qulakkiissallugu.

- Sanaartukkat ilusiisa taamaatsiinnarneqarnissaat assigiissaartuunissaallu qulakkiissallugu.
- Immikkualuttumi D-mi aqquserniorsinnaaneq qulakkiissallugu.

§ 2 Kommunimut pilersaarummut tapiliussami immikkoortut ilaat agguataarneqarneralu

- 2.1 Immikkoortup ilaa ilanngussami 1-imi takutinneqartutut killeqarfeqarpoq.
- 2.2 Immikkoortup ilaa katillugit 7,8 ha-it missaanni annertussuseqarpoq.

§ 3 Immikkoortup ilaata atorneqarnera

- 3.1 Immikkoortup ilaa inissianut siunertaqartunut atorneqarnissaa killilimmillu inuussutissarsiutinut naleqqussarneqarnissaanut periarfissaqarnissaa aalajangersarneqarpoq.
- 3.2 Immikkoortup ilaani atortut sanaartukkanut naleqqussarneqarpata sumiiffimmik teknikkikkut pilersuutinik pilersitsisoqarsinnaavoq.

Atuinnermut tunngatillugu aalajangersakkat amerlanerusut sukumiisumik aalajangersakkaniipput.

§ 4 Sanaartukkat

- 4.1 Sanaartukkat nutaat immikkualuttumi sanaartukkanut allanut nunamullu naleqqussakkat inissinneqassapput allilerneqarlutillu.

Sanaartukkat inissinneqarnerat aamma silataasa isikkui pillugit aalajangersakkat amerlanerusut sukumiisumik aalajangersakkaniipput.

§ 5 Inissaq sinneruttoq

- 5.1 Sumiiffiup avannaa'tungaa tamakkerluni sanaartorfigineqareerpoq. Sumiiffiup kujataa'tungaani amerlanerpaanik inissianik 12-inik sanaartortoqarsinnaavoq.

Sanaartukkat annertussusaannut tunngatillugu aalajangersakkat sukumiisumik aalajangersakkaniipput.

§ 6 Immikkoortup ilaata aqqusinertigut angallafigineqarnera

- 6.1 Ilanngussami 1-imi takutinneqartutut immikkoortup ilaanut aqqusineqassaaq.
- 6.2 Ilanngussami 2-imi takutinneqartutut immikkuualuttup ilaanut D-mut aqqusiortoqassaaq.

Aqquserngit, aqqusineeqqat bilinullu inissiisarfinnut tunngatillugu aalajangersakkat sukumiisumik aalajangersakkaniipput.

§ 7 Avatangiisinut tunngatillugu piumasaqaatit nunaminertallu piumasaqaatitaqarfigineqartut

- 7.1 Immikkoortup ilaanut tunngatillugu immikkut ittunik avatangiisinut

tunngatillugu
piumasaqaatitaqartoqarnanilu
piumasaqaatitaqarfigineqartunik
nunaminertaqanngilaq.

*Avatangiisinut tunngatillugu
aalajangersakkat amerlanerusut
sukumiisumik aalajangersakkaniipput.*

§ 8 Eriagisariaqartut ilisarnaataat

- 8.1 Immikkuualuttumi A-mi qaqqasunnat tamarmik nunap isikkuattut malunaateqarluartutut pigiinnarneqassapput.

AALAJANGERSAKKAT SUKUMIISUT

§ 9 Immikkoortup ilaata atorneqarnera

- 9.1 Immikkoortup ilaa ilanngussami 1-imi takutinneqartutut immikkuualuttunut A, B, C aamma D-mut agguataarneqarpoq.
- 9.2 Inissiami najugaqartunut allanut ajoqutaanngippat namminersorluni inuussutissarsiummik ingerlatsisoqarsinnaatitaavoq. Suliffeqarfiit kingunerisaannik sumiiffik allagartarsualersuinikkut, bilinik angallattoqarnerulersitsinikkut bilinillu amerlanerusunik inissiisoqartarnikkut assigisaannilluunniit allanngortinneqassanngilaq.

Immikkuualuttoq A

- 9.3 Immikkualuttoq A nunaminertatut sanaartorfingineqanngitsutut tunniunneqarpoq.

Immikkuualuttoq B

- 9.4 Immikkualuttoq inissianut siunertaqartunut tunniunneqarpoq,
- 9.5 Ilaqutariinnut ataatsinut illooreersut ilaqutariinnut marluinnut illunngortillugit allanngortiterneqarsinnaapput.

Immikkuualuttoq C

- 9.6 Immikkualuttoq C inissianut siunertaqartunut sanaartukkanut imminnut qanittunut pukkitsunullu tunniunneqarpoq.

Immikkuualuttoq D

- 9.7 Immikkualuttoq D inissianut siunertaqartunut sanaartukkanut imminnut qanittunut pukkitsunullu tunniunneqarpoq.

§ 10 Sanaartukkat annertussusiat inissinneqarnerallu

- 10.1 Ilanngussami 2-mi takutinneqartutut immikkuualuttoq B ilaqutariinnut ataatsinut marluinnullu illunik 23-nik sanaartorfissaqarpoq.
- 10.2 Ilanngussami 2-mi takutinneqartutut immikkualuttoq C-mi sanaartorfiit arfineq-marluupput tamarmik immikkut pingasunik inissialiorfissartallit.
- 10.3 Immikkuualuttoq D-mi ilanngussami 2-mi takutinneqartutut katillugit sanaartorfiit sisamat tamarmik immikkut marluk-sisamanik inissialiorfissat tunniunneqarput.

Immikkuualuttoq B

- 10.4 Immikkualuttumi B-mi sanaartorfiup 180 m²-it sinneqqassanngilai.
- 10.5 Sanaartorfinni ataasiakkaani qatsinnerpaaffissat nunap qaaniit 7,5 meterit sinneqqassanngilaat. Nunap qatsissusia sanaartukkap toqqavia atuarlugu nunap qatsinnerpaaffiatut nassuiarneqartarpoq.
- 10.6 Immikkualuttumi sanaartukkanut nutaanut sanaartorfissat portunerpaaffissaattut tullinnguuttut makku aalajangersarneqarput:
- Sanaartorfiup B2-p portunerpaaffissaa 48,5-imut inissinneqarpoq
- Sanaartorfiup B22-ip portunerpaaffissaa 50,0-imut inissinneqarpoq
- 10.7 Sanaartukkat ataatsimik quleriussapput qaliaasalu qaavi aamma naqqup ilui atorluarneqarsinnaassallutik.

Immikkuualuttoq C

- 10.8 Immikkualuttumi C-mi alliliinerit ilanngussami 2-mi sanaartorfissatut takutinneqartunisut suliarineqassapput.

- 10.9 Sanaartorfinni ataasiakkaani qatsinnerpaaffissat nunap qaaniit 7,5 meterit sinneqassanngilaat. Nunap qatsissusia sanaartukkap toqqaavia atuarlugu nunap qatsinnerpaaffiatut nassuiarneqartarpoq.

Immikkuualuttoq D

- 10.10 Immikkuualuttumi D-mi sanaartukkat nutaat sumiiffimmi illutut immikkuullarissutut sisamatut inissinneqassapput.
- 10.11 Ilaqutariinnut arlalinnut illut isikkui annertussusiallu assigiissillugit sananeqassapput, illulli ataasiakkaat assigiinngitsunik qalipaasorsorneqarsinnaapput.
- 10.12 Ilaqutariinnut arlalinnut illuliornermi nunaminertaq ataatsimoorussassaq illunut avatangiisussaq eqqarsaatigineqassaaq, taanna titartakkanut ilanngussami 3-mi takutinneqarpoq.
- 10.13 Ilaqutariinnut arlalinnut illut amerlanerpaamik marlunnik quleriinngorlugit sananeqassapput, nunallu tamanna ajornartinngippassuk naqqup ilua atorluarneqarsinnaavoq.
- 10.14 Sanaartukkanut ataasiakkaanut tunngaviusumik nunaminertaq annerpaamik 225 m²-iussaaq.
- 10.15 Sanaartukkat qaliaat 25° tikillugu sivingatigisunngorlugit sanaartorneqassapput.
- 10.16 Nunap tamanna aatsaat ajornartinngippagu sanaartukkap toqqavia najugaqarfittut taamaallaat atorineqarsinnaavoq.
- 10.17 Nunap tamanna ajornartinngippagu sanaartukkat nuna atuarlugu imminnut nikingasunngorlugit sananeqarsinnaapput.

§ 11 Sanaartukkat silaata isikkui

- 11.1 Sanaartukkat tamarmik qisunnik qalliusorsorlugit sanaartorneqassapput imaluunniit pladit qisuillu atorlugit qalliusorsuisoqarsinnaavoq.

Immikkoortup ilaani sanaartukkat sumiiffimmi qalipaait pillugit pilersaarut atuuttoq naapertorlugu qalipaasorsorneqassapput, Ilangussaq 4-mi, 3A8-3-mut qalipaait pillugit pilersaarut, Iiminaq, taaneqarpoq.

- 11.2 Illut qaliaasa qaavisa qalliutaat qalissiamik qernertumik qalliusorsorneqassapput.
- 11.3 Immikkuualuttuni B-mi C-milu qaliat uinganeri 25°-it 36°-illu akornanni sivingatigissapput.
- 11.4 Immikkuualuttumi D-mi qaliat 25° tikillugit sivingatigisunngorlugit sananeqarsinnaapput.
- 11.5 Sumiiffimmi suliffeqarfimmut tunngatillugu allagartarsualersuutit illut silataannut inissinneqassapput annerpaamillu ½ m²-iussallutik.

§ 12 Aqquserngit, aqqusineeqqat bilinullu inissiisarfitt

- 12.1 Ilangussami 2-mi takutinneqartutut immikkuualuttup ilaanut D-mut aqqusineqassaaq
- 12.2 Sanaartukkat titarnerat aqquserngup qeqqaniit 10 meteriussapput.
- 12.3 Bilinut inissiisarfittut tunniunneqartunut bilinik inissiisoqartassaaq imaluunniit inissianut ataasiakkaanut bilinut inissiisarfinnut nammineq pigisanut inissiisoqartassaaq.
- 12.4 Inissiamut ataatsimut ikinnerpaamik bilinut inissiisarfimmik ataatsimik sanasoqassaaq.

§ 13 Nunaminertat sanaartorfigineqanngitsut

- 13 Ilanngussami 2-mi takutinneqartutut immikkuualuttup ilaani B-mi qatsissuseq/appasissuseq 40.50 tikillugu qaartiterisoqassasoq.
- 14 1-imik taasamik aqquserniormi ilanngussami 2-mi takutinneqartutut qatsissuseq 43,5 tikillugu qaartiterisoqassaaq.
- 15 Immikkuualuttup ilaani A-mi qaqqasunnat allanngortinneqassanngitsut aamma sanaartornissanut inissiinissanullu sanaartorfigineqassanngitsut.
- 15.1 Sanaartormi illunillu atuinerminunap innarlerneqarnera minnerpaaffimmitinneqassaaq. Nuna innarligaq ilusiatut ilerseqqinneqassaaq sumiiffillu qaartiternerlukunik qaartiterinermi assartuermiluunniit siammarsimasinnaasunik salinneqassaaq.
- 15.2 Nunaminertani sanaartorfigineqanngitsuni ilanngussami 2-mi takutinneqartutut inissillugu pinnguarterfiliortoqassaaq.
- 15.3 Immikkuualuttumi B-mi nunaminertat sanaartorfigineqanngitsut illumullu attuumassuteqartut annikinnerusumik naatsiivittut atorneqarsinnaapput, naatsiiviit pukkitsunik ammasunillu ungaluugalersorneqassapput. Naatsiiviit annerpaamik illumut ataatsimut 50 m²-iussapput ungaluugaallu portunerpaaffimmikkut 1,2 meteriussallutik.

§ 14 Teknikkikkut atortut

- 14.1 Sanaartukkat tamarmik pisortat imermik pilersuutaannut kuuffissuaataannullu attavilerneqassapput.

- 14.2 Imikoq tamarmi kuuffissuarnut kuutsinneqassaaq. Taamaattorli nunap qaaniittoq imeq, imeq sulluliakkkoortoq aamma qaliat qaavisa imertaat kuuffissuarnut kuutsinneqassanngillat, kisiannili sanaartukkanut, aqqusinernut, aqqusineeqqanut, nunaminertanut sanaartorfigineqanngitsunut ajoqutaanngitsumik kuutsinneqassalluni, assersuutigalugu kussiornikkut.
- 14.3 Sanaartukkat nutaat aalajangersimasumik innaallagissamik kiassaatinut imaluunniit avatangiiisut ajoqutaanngitsumik nukissiuutinut attavilerneqassapput.
- 14.4 Teknikkikkut atortut, soorlu transformatoriisiviit Nukissiorfiit siunersioqatigalugit pisariaqartitsineq malillugu pilersinneqarsinnaapput.
- 14.5 Teknikkikkut pilersuutit, soorlu kuuffissuit, innaallagiat imermillu pilersuutit taamaallaat nunap iluatigooortinneqassapput.
- 14.6 Teknikkikkut pilersuutit, soorlu kuuffissuit, innaallagiat imermillu pilersuutit ataqqineqassapput tamakkulu qallerlugit sanaartorfigineqassanngillat. Sunilluunniit allanngortiterisoqassappat tamanna ledninginik piginnittumik siunersieqqaarinnikkut taassumalu malittarisassaatai malillugit allanngortiterisoqassaaq.
- 14.7 Parabolantennet illunut ikkussuunneqassanngillat. Immikkoortup ilaani parabolantennemik ataatsimik ikkussisoqarsinnaavoq, taannalu sumiiffimmi najugaqartunit tamanit atorneqarsinnaassaaq, ajornanngippat antennemik piginneqatigiinnikkut.

§ 15 Avatangiisinut tunngasut

- 15.1 Sanaartukkat nutaat eqqaanni eqqagassalerineq pillugu malittarisassat atuuttut naapertorlugit eqqagassaasivinnik eqqagassanillu aallertarnissamut inissanik pilersitsisoqassaaq.
- 15.2 Eqqagassanik eqqagassanillu katersinermut immikkoortiterinermullu atortut sanaartukkap illutaaniissapput imaluunniit nunaminertami assersukkamiissapput.
- 15.3 Nunaminertat assiaqusersukkat avataannut containerinik inissiisoqassanngilaq.
- 15.4 Eqqagassat akornuteqanngitsumik aaneqarsinnaasunngorlugit eqqagassalerutit inissinneqassapput aammalu akornuteqanngitsumik imaarsinissamut aputitaqartinneqassanngillat allanilluunniit akornuteqartinneqassanatik.

§ 16 Piginnittut peqatigiiffiat

- 16.1 Immikkuualuttoq D-mi ataatsimut soqutigisanik isumaginnittussamik peqatigiiffiliortoqassaaq.
- 16.2 Immikkuualuttumi inissiaatillit peqatigiiffimmut tassunga ilaasortaassapput.
- 16.3 Piginnittut ilaasortaasussaataasut ikinnerpaamik affaasa kissaatigippassuk piginnittut peqatigiiffiat pilersinneqassaaq, kingusinnerpaamilli kommunimut pilersaarummut tapiliussaq malillugu immikkuualuttoq D-mi sanaartorfissatut naatsorsuutigineqartut sanaartorfigineqareerpata.

- 16.4 Peqatigiiffiup immikkoortup ilaani aqquserngit, illoqannginnersat, aqqusineeqqat nunaminertallu sanaartorfigineqanngitsut aserfallatsaaliussavai (tassunga ilanngullu ukiuunerani) tamakkulu pillugit nammineq malittarisassiussalluni.

- 16.5 Peqatigiiffiup ingerlaavartumik Kommuneqarfik Sermersooq sumi angerlarsimaffeqarnerminik nalunaarfigisassavaa.

§ 17 Atuilernissanut piumasaqaatit

- 17.1 § 12.4 malillugu bilinik inissiisoqartassaaq.
- 17.2 Atuisoqalinnginnerani eqqaavilerinissat isumannaarneqareersimassapput, eqqaaviit containeriussanersut puulluunniit atorneqassanersut aamma tamakku sumut inissinneqarnissaat.


§ 18 Illoqarfiup ilaanut pilersaarummik aamma kommunimut pilersaarummut tapiliussamik atorunnaarsitsinerit

- 18.1 Kommunimut pilersaarummut tapiliussap, 3A8-3, Nuuk, Iiminaq, inissiaqarfik, akuerineqartup tamanut saqqummiunneqarneratigut illoqarfiup ilaanut pilersaarut atuuttoq, 3A8-2, Iiminaq 2005-mi septembarimi akuerineqartoq atorunnaarsinneqarpoq.

AKUERSISSUTEQARNEQ


Matumuuna Kommunimut pilersaarummut tapiliussaq, 3A8-3, Nuuk, Iiminaq, inissianut siunertaqartoq Kommuneqarfik Sermersuup Kommunalbestyrelsianit ulloq 27. aprili 2010 akuerineqarpoq.

Kommuneqarfik Sermersooq ulloq 17. maaji 2010.




Asii Chemnitz Narup
Borgmesteri

/



William Kriegel
Pisortaanerugallartoq

Siunnersuutitut tamanut saqqummiunneqarpoq ulloq 19. maaji 2010




KOMMUNEQARFIK SERMERSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 3A8-3
Kommuneplantillæg 3A8-3

Ilanngussaq I: Immikkoortup ilaa aamma immikkuualuttut
Bilag I: Delområde og detailområder
Aprili / April 2010
Uttuut / Mål 1:2000
A3

0 m 20m 40m 60m 80m 100m




KOMMUNEQARFIK SERMERSOOQ
 Sanarfinermut avatangiisinullu ingerlatsivik
 Anlægs- og Miljøforvaltningen

Kommunimut pilersaarummut tapiliussaq 3A8-3
 Kommuneplantillæg 3A8-3

Ilanngussaq 2: Sanaartorfiit, aqqusiniinnaasut qaartigassallu qatsissusaat
 Bilag 2: Byggefelter, vejalternativer og sprængningskoter
 Aprili / April 2010
 Uttut / Mål 1:2000
 A3

0 m 20m 40m 60m 80m 100m




KOMMUNEQARFIK SERMERSOOQ
Sanarfinermut avatangisinnullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 3A8-3
Kommuneplantillæg 3A8-3

Immikkoortup ilaa B aamma D / DELOMRÅDE B og D



NCS S6020 - R80B



NCS S6020 - Y80R




NCS S2005 - R80B



NCS S7020 - R90B



NCS S4040 - Y80R



NCS S3010 - R80B



NCS S3050 - G30Y



NCS S0530 - Y20R



NCS S0500 - N



NCS S5030 - G10Y



NCS S0520 - Y20R



Immikkoortup ilaa C, illut uilukutsukkuutaat / DELOMRÅDE C, rækkehuse



NCS S6020 - R70B



NCS S6502 - B



NCS S6020 - Y90R



NCS S7020 - R70B



NCS S7502 - B



NCS S37010 - Y90R



NCS S7010 - R90B



NCS S6020 - B70G



NCS S0500 - N



NCS S8010 - R90B



NCS S7020 - B70G



KOMMUNEQARFIK SERMERSSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq 3A8-3
Kommuneplantillæg 3A8-3

Ilanngussaq 4: Qalipaatinut Pilersaarut
Bilag 4 Farveplan
Aprili / April 2010
A4